

Вань странаосысь пролетарийёс, огазеясне!

КОЛХОЗ СЮРЕС

ВКП(б)-лэн Кезской Райкомезлэн но Райсоветлэн органы
22-тй сентябрье 1940 аре № 87 (18100) Дуныз 5 копейка

Кезской районьсь вань трудящейёслы, колхозник ёслы, колхозницаослы но советской интеллигенцилы ЭШ'ЁС!

Удмуртской калыкы аслэсьтыз автономизэ кылдытэм нуналысен 20 ар тырмон— туж бадзым важной событие. 1940 арлэн 4-тй ноябрь нуналэз асьме республикаысьтымы трудящейёс понна всенародной праздникем луэ. Удмуртисы трудящейёс шумпотонно юбилейной нуналэ 20 ар чоже хозяйственной но культурной строителствоын ужамзылэсь итог лэсьтозы, возматозы Ленинско-Сталинской национальной политикалэсь вормемзэ.

Удмуртилэсь данлыко юбилейной нуналэз хозяйственной но культурной строителствоын вылэсь азинскон'ёсын пумитаны понна, асьме республикаымы паськыт вълмиз социалистической соревнование. Ижевской металлургической заводлэн коллективез ас вылаз, арлы тупатэм программазэ 24 декабрь азелы быдэстыны но трудлэсь производительностьэс кылем арын сярысь туэ 62 процентлы жутыны обязательство басьтыз Сюзсинской районьсь „Труд“ колхозысь колхозник'ёс но колхозницаос ас вылазы конкретной обязательствоос басьтзы.

Ми Кезской районьсь „Ключевской“ колхозысь колхозник'ёс но колхозницаос машиностроительной заводьсь коллективлэсь но „Труд“ колхозысь колхозник'ёслэсь но колхозницаослэсь обязательствооссэс но вазиськемзэ асьме колхозной собраниямы 18 сентябрье обсудить карыса, Удмуртилэн автономиезлэсь 20 ар тырмон юбилейзэ вылэсь производственной вормон'ёсын пумитан вылэсь соревнование пырыськыськомы но ас выламы таёе обязательствоос басьтиськомы:

Милям колхозмы арысь-аре вань хозяйственной но политической задачаосты азинлыко быдэс'я.

Туэ ар понна колхозэн государствоы ю-тысь сётон но вань колхозник'ёсын заёмез сётон август толэзе ик 100

процентлы тырмытими. Сельхозналог, страховка, культурсбор но самообложение тырон'ёсты 92 процентлы тырмытэмын. Государстволы йёл но ыжгон сётон планэз 100 процентлы.

Та дыре быдэс'ямтэ уж'ёсмес быдэс'яны понна ми обязателсь кариськыськом:

Нырысь ик государствоы сел сётонэз 1-тй октябрь азелы быдэстыны, но та дыре ик пудо вордон'я но силос дасян'я планэз тырмытыны.

Кутсаськонэз, план'я ю-тысь кысьтонэз но шертонэз. Семенной, страховой, фуражной но мугет фонд'ёсты уставлэн куремез'я кылдытыны 25 сентябрь азелы.

Государстволы вань коньдон тырмемес кылемзэ 10 октябрь азелы тырмытомы.

Етин трестаз вылы номер'ем но качествоз'я умой дасяса, етин заводэ нуыса 15 октябрь азелы быдэстыны.

Кын улэ тыронэз, агротехникалэн косемез'я но кулэ луйсь удобрение поттыса 1 октябрызэ план'я быдэстома.

Вань ужмес ортчытомы сельскохозяйственной артельлэн сталинской уставезлэн куремез'я. Огенымы-огмы соревнователсь кариськыса.

Та обязательствоосты басьтыса ми „Ключевской“ колхозысь колхозник'ёс но колхозницаос, Кезской районьсь вань колхоз'ёсысь колхозник'ёсты, колхозницаосты но интеллигенциез ётиськомы, вань кужымез уже кутыса всенародной праздникез— Удмуртской калыклэн автономиезлэсь 20 ар тырмон нуналэз пумитаны вылэсь производственной вормон'ёсын, социалистической соревнованиез паськыт вълмытыса. Эш'ёс азылань— вылэсь вормон'ёс понна!

Собранилэн косемез'я гожкизы: А. Т. Поздеев Н. Н. Тронин, Д. Д. Белослудцев, П. А. Тронин но Спешилов.

Удмуртилэн юбилеез азын Коньдон тыронзэс азинлыко быдэстызы

Александровской сельсоветысь Б-Олып колхозлэн счетоводэз Степанов Афанасий Григорьевич заём'я уполномоченной луыса ужа. Население плын валэктон ужез умой пуктыса сентябрь толэзьлэн нырысетй нунал'ёсаз ик 5125 манетлы заёмлы взнос'ёссэс 100 процентлы тырмытиз. Озы ик Б-Олып колхозлэн но колхозник'ёслэн подоходной налог но страховка тыронзы €986 манет 100 процентлы тыремиз.

Умой ужаз Легмувыр колхозысь счетовод А. Тихонов но, вань тырон'ёсыныз колхоз государствоен расчитателсь кариськыз. Нош таосын чош ик верано луэ, Танай колхозлэн страховкая тыронэз копейка но тырымтэ. Уарсем колхозлэн председателез Васильев озы вераське: „Коньдон тыронэз быдэс'яны мазэ дыр'од, ми тодйськом— срочез вуоз ай дыр“, та колхоз'ёсысь председател'ёс котыкыче ужен но сельсоветэз бере кыско.

Налоговой агент
Г. В. Марков.

Информационной ивортон

19 но 20 сентябрье ВЛКСМ-лэн 5-тй Кезской районной конференциез ортчиз. ВЛКСМ-лэн Кезской райкомезлэн ужамез сярысь Красноперов эшлэсь докладзэ кылскыз.

Доклад бере 22 мурт прениын вераськыса, соос ВЛКСМ-лэн райкомезлэн ужысьтыз уно тырмытэосты но азинскем'ёссэс отметить карызы, что райкомол ВКП(б)-лэн 18 с'ездэз бере шбдскымон ужзэ умоятыз, комсомольской организациос умойгес производствоосын участвовать карызы но дисциплина но умояз. Соответствующой решение кутэм бере райкомез, ревкомсизез но Областной конференцие делегат'ёсты быр'ён'ёс ортчизы— 25 мурт райкомлэн пленумаз член'ёс но 7 мурт делегат'ёс быр'емын.

Партийной собраниясь

Алигес кемалась өвөл „Главсахарлэн“ Чепецкой лес-промхозысьтыз первичной партийной организацилэн собраниез ортчиз. Собрание эскериз „коммунист'ёслэн идейно будэмзы сярысь“ вопросз „ВКП(б)-лэн Историезлэн Краткой Курсэзлэн“ потэмезлы 2 ар тырмемезлы сизыса.

Собрание шараяз, что 13 коммунист'ёс пöльсь одйгез но „Краткой Курслэн“ нылетй главаезлэн азылань мынымтэ. Нош Ворончихин ВКП(б) членэ кандидат 8 толэзь чоже нырысетй главазэ изучать карыса пуке на.

Ма бордын муг'ёс, марксистско-ленинской образованилэн ляб мынэмезлэн? Собраниян коммунист'ёс шонерак ыразы, что партийной организацилэн секретарез Каменских эш коммунист'ёслэн ас бордазы ужаменызы но соослэн идейно будонэнызы интересоватся уг кариськы, контролировать уг карылы, Столбов эш юргонэз вите но солы нокыче юрттэт уг сёты. Никитин кружоке уг ветлы но ужрад уг куты.

Собрание озы ик шараяз внутривпартийной уж'ёс'я тырмымтэосты но. Коммунист'

ёслы партийной поручение сётэм заданиосты но уг эскер'ялля. Воронцов эш май толэзысен агитколлективен кивалтысь луэ но агитатор'ёсын прочэс уг кивалты, Косарева бордгазетлэн редакторез, озы ик 1 май дырысен газет поттымтэ. Со сяна 4 толэзь талэсь азыло партийной организациен решение кутэмын вал, толэзылы одйг пол товарищеской собеседование ортчыт'яны, со решениез быдэстымтэ. Комсомолэн нокин но уг кивалты, кызы соос ас бордазы ужало тодйсь өвөл.

Вань та тырмымтэ уж'ёсты лыдэ басьтыса критика бере, партийной собрание соответствующой решение кутыз но куйнызэ коммунист'ёсты „на вид“ пуктитиз, партилен уставезлэсь 2-ти параграфезлэсь куремзэ нарушать каремзы понна. Со бере ваньзы коммунист'ёс огенызы-огзы соревноваться кариськыны обязательствоос басьтызы. Озы ик обязатся каризы бордгазетын возьмат'яны партилэсь историез изучать каремлэсь мынэмзэ но комсомолец'ёслы юрттыны.

П. Вельков.

Лэсьтымтэез, лэсьтэмын уд шуы

Виль - Югурт колхозлэн председателез Каракулов 15-тй сентябре жыт бригадир'ёсызлы А. И. Дунькинлы но П. А. Никитиналы кутсаськыны наряд сётыз. Наряд'я соос кулэ вал 32 муртэз колхозник'ёсты 12 часэ уйин кутсаськонэ ыстыны. Нош со озы ик өз луы. Дунькинлэн бригадаысьтыз 14 мурт потон интые, 8 часэ чукна мырдэм 4 мурт кутсаськонэ вуизы. Нош Никитиналэн бригадаысьтыз 11 мурт гинэ. Тинь кызы бригадир'ёс уставлэсь куремзэ быдэс'яло. Соос асьсэс но кутсаськонэ 8 час азе өз вуэлэ но верасько: „Милян калыкмы ваньмыз мынэмын шуыса“.

Председатель Каракулов наряд сётэм бераз буйгатскыса вераське: „Наряд сётэм бере уж лэсьтэмын луоз, кутсаськонэз 2-3 часкысен чукна кутскыса, 2 сменаен ужаса 200

центнер быдэстомы но госу дарстволы ю-тысь сётонэз 18 сентябрь азелы тырмытомы“. Колхозлэн госу дарстволы обязательной поставка сётонэз 176,5 центнер вал на, нош 19 сентябрь азелы 100 центнер тырытэк кылиз. Кын улэ гыронэз 215 га но гыремын 1,5 га гинэ.

Тужгес ик Дунькин мылкыдтэк бригадаеныз кивалтэ. Солэн етйн уборкаез али но 1,5 га быдэстымтэ на. Зег уборкаез но туж берозь кыстйськыз. 2-ти бригадалэн 84 га зегэз вал, Дунькинлэн нош 38 га сяна дй вал, озы но бере кылиз.

Та Дунькин бригадирлэсь мылкыдтэк ужамзэ колхозлэн правлениезлэн заседанияз учконо вылэм но чурит ужрад кутано, уставлэсь куремзэ быдэс'ямтэез понна.

Данилов.

Серрано Суньерез Гитлер принять кариз

Берлин, 17 сентябре. (ТАСС). Германской информационной бюролэн ивортгемез'я туннэ чукна Гитлер принять кариз

Испанилэсь внутренней уж'ёс'я министрээ Серрано Суньерез. Соин со кема вераськыз. Отын ик вал Риббентроп но.

Кивалтымтэлэн бервылыз

Паритя но правительство арысь-аре бадзым вниманизэс вис'яло трудящейёслэсь неграмотностьсэс быдгонлы, бадзым сумма коньдон вис'яса. 1939 арын Кезской РОНО-лы 27 сюрс манетлэсь но уно сётэмын вал, нош 7 сюрс манет сяна та бадзым но ответственной ужлы израсходовать каримтэ. Та че-факт возьматэ сое, что РОНО районымы трудящейёслэсь грамотностьсэс жутон понна прочэс уг сюлмаськы—уг кивалты та ужен, соин ик 1 сентябрь азелы неграмотнойёс но малограмотнойёс 3631 мурт лыд'ясько на.

Кылем арын дышетысьёс ас вылазы обязательствоос басьязы быдэн 7-10 мурт обучить карыны, нош РОНО-ын инструктор луыса ужась Русских ликпункт'ёслы нокыче юрттэт өз сёты, соин ик ликпункт'ёс өз ужалэ.

Та бадзым но ответственной ужен озы ик ляб кивалто сельсовет'ёслэн исполком'ёссылэн председател'ёссы но. Пужмезьской сельсовет'я 215 мурт, Александровской 367 мурт но Сыгинской сельсовет'я 130 мурт неграмотной но малограмотнойёс лыд'ясько на. Клуб'ёсын, изба-читальняосын ужасьёс но та уж борды мылысь-кыдысь уг кутско. Пужмезьской сельсоветысь избач Главатских, населениен прочэс гердзаськымтэ, озы ик Поломской сельсоветысь избач Луппов но. Соос лыд'ясько ликвидатор'ёс шуыса, нош али но ликпункт'ёс уг ужало.

Та уж борды нырысь ик кутсконо луо интыысь депутат'ёс, постоянно—действующой школьной комиссиос но школаосысь директор'ёс, эскер'яно кызы дышетысьёс ас вылазы басьтэм обязательствооссэс тырмыт'яло. Кушто но йырысьтызы та ужлы недоценкаез. Озоно-Чепецкой НСШ-лэн директорез Н. А. Куталов эш шуэ „обязательствоос басьтэмын уж мыноз, но али гинэ дышетыны өз кутске на“ нош ку кутскозы—дыр ортче, уж уг мыны.

Та важнейшой уж борды мөгатэк кутсконо со вылысь, чтобы Удмуртилэн автономиезлы 20 ар тырмон юбилейез азе районымы 100 процентэз население грамотной мед луэз.

В. А. Никитин.

Отв. редактор Н. ДАНИЛОВ.
Поттйсь райсовет.